



UNIVERSITÄTS-  
BIBLIOTHEK  
PADERBORN

## **Fasti Mariani**

**Brunner, Andreas**

**Antverpiæ, M.D.C XXX III.**

S. Iacobvs Apostolvs. 25. Iulii.

---

[urn:nbn:de:hbz:466:1-70962](https://nbn-resolving.org/urn:nbn:de:hbz:466:1-70962)

gelicis modulis, iterumq; è vitâ abiens  
non unam jam animam cœlo intulit,  
*Ex Særio.*

S. IACOBVS APOSTOLVS.

25. Iulii.

**L**Audes IACOBI scripturo pen-  
nam ultrò IACOBI volucres in-  
gerunt. Audi iuventus, & patronum  
tuum mecum lauda. Ibant conjuges  
pii Compostellam, & trahebant pieta-  
tis suæ comitem filium formâ liberali  
juvenem. O ut periculosè Castitas  
peregrinaris! Hospitis filia oculis capta  
adolescentis, capere etiam ipsum niti-  
tûr. Evadit hic muliebris amoris la-  
queos, sed non odii. Subdola enim in-  
ter sarcinulas castissimi aureum crate-  
rem condit & abeuntem de furto ac-  
cusat. Damnatur, ducitur, & in crucem  
tollitur. Sed non moritur Innocentia.  
Dum enim moesti parentes iter rele-  
gunt, dum agrè & pedes trahunt &  
animas, senectutis scipione filio amif-  
so, dum frui illos vel pendentis aspe-  
ctû juvat, ecce ab infelici arbore fi-  
lius: quid lacrimis vivo parentas ma-  
ter? vivo DEI MATRE & IACOBO  
succollantibus: i, Iudici dic, ne dam-  
nare pergat, quem mors absolvit. Vix  
hæc ille ad matrem, cùm mater hoc ad  
Iudicè mensa accumbentem. Hic; tam  
scilicet filius tuus vivit, quàm assus hic  
cum

cum gallinâ suâ gallus, qui lautus unctusque sepulchrum stomachum expectat. Iam carpere parabat, cum gallus & gallina in vitam se erigunt, Innocentiæ victrici alis applaudunt, gallus etiam Pæana canit. Ergo damnat se ipsum Iudex, & Innocentem missum facit, volucrum verò proles posthuma etiam hodie plumas suas cum laudibus IACOBI in omnem Orbem spargunt, nunquam omnes, licet tot quotidie vellitent, evellendas. *Ex L. Mari-  
nao l. s. de reb. Hi. p. c. ult.*

## S. CHRISTOPHORVS M.

25. Iulii.

CHRISTOPHORVS sive corporis sive animi spectes robur, semper magnus, nomen hoc suum reportasse tunc creditur, cum CHRISTVM sub pueri vultu per aquas transportavit, non magni laboris maximum nauulum. Certè CHRISTVM per Lyciam circūtulit, cum, ut auctor S. Ambrosius est, hominum millia IV. supra XL. ferre CHRISTI jugum docuit. Virgam manui familiarē cum ad concionē dicturus aliquando humi defixisset, confestim frondere vidit, & miraculo etiam nū pictores favent. Sed & ad tribuna-  
lia tulit CHRISTVM. Captus enim & in vincula coniectus, Decio imperante, immixtas ad se geminas & perfrictas